


# **Cumegn da Surses**



## **Lescha da natiralisaziun**

# Cuntign

	Pagina
<b>I. Determinaziuns generalas</b>	
Art. 1 - Scopo	3
Art. 2 - Cumpetenzas e controlla	3
Art. 3 - Premissa da domicil ed ulteriouras premissas	3
Art. 4 - Dretg da vischinadi d'onour	3
<b>II. Einbürgerungskommission</b>	
Art. 5 - Cumischung da natiralisaziun	3
Art. 6 - Cumpetenzas e procedura	4
<b>III. Procedura</b>	
Art. 7 - Taxas	4
<b>IV. Meds legals e determinaziuns finalas</b>	
Art. 8 - Recurs	4
Art. 9 - Antrada an vigour	5
<b>Agiunta pertutgont las taxas da natiralisaziun</b>	6

Relaschea alla basa d'art. 3 dalla constituziun digl cumegn da Surses ed art. 2 alinea 2 dalla lescha da cumegns digl cantun Grischun (LC; DG 175.050) scu er art. 3 alinea 3 dalla lescha digl dretg da burghes digl cantun Grischun (LDBcant); DG 130.100).

Indicaziuns da persungas, funcziuns e professiuns ainten chesta lescha sa refereschan a tottas schlattagnas, schinavant tgi sa resulta navot oter digl senn dalla lescha.

## **I. Determinaziuns generalas**

Scopo	<b>Art. 1</b> Chesta lescha regla la procedura da natiralisaziun digl cumegn da Surses tenor la legislaziun cantunala davart igl dretg da vischinadi.
Cumpetenzas e controlla	<b>Art. 2</b> <sup>1</sup> La suprastanza communal è responsabla per la controlla e l'execuziun dalla lescha da natiralisaziun. <sup>2</sup> La suprastanza communal pò delegar l'execuziun dalla lescha u da singulas incumbensas ad ena cumischung communal.
Premessa da domicil ed ulteriouras premissas	<b>Art. 3</b> <sup>1</sup> A petents digl exterior pò neir garantia igl dretg da vischinadi digl cumegn da Surses, sch'els on gia durant aglmanc 5 onns igl domicil an cumegn, igls davos 2 onns directamaintg avant l'inoltraziun dalla dumonda. <sup>2</sup> A persungas svizras pò neir garantia u concedia igl dretg da vischinadi, sch'ellas on igl domicil siva d'aglmanc 2 onns an cumegn. <sup>3</sup> Igl petents on d'adampleir las premissas materialas tenor legislaziun cantunala. <sup>4</sup> Igl domicil aint igls cumegns uriunds Beiva, Cunter, Marmorera, Mulegns, Riom-Parsonz, Salouf, Savognin, Sur e Tinizong-Rona vign chinto per igl taimp da domicil.
Dretg da vischinadi d'onour	<b>Art. 4</b> An cass mutivos pò la suprastanza communal regalar igl dretg da vischinadi u consanteir tal scu tetel d'onour.

## **II. Cumischung da natiralisaziun**

Cumischung da natiralisaziun	<b>Art. 5</b> <sup>1</sup> La cumischung da natiralisaziun sa cumpona d'en parsoura e da dus ulteriours commembers, tgi vignan eligias dalla suprastanza communal.
------------------------------	-----------------------------------------------------------------------------------------------------------------------------------------------------------------------

<sup>2</sup> Igl parsoura stò esser commember dalla suprastanza communal. Iglis ulteriours dus commembers pon er esser collaboratours dall'administraziun communal.

Cumpetenzas e  
procedura

#### **Art. 6**

<sup>1</sup> La cumischung da natiralisaziun examinescha las dumondas da natiralisaziun, uscheia an spezial schi las premissas da natiralisaziun materialas èn adampleidas.

La cumischung da natiralisaziun anveida igls petents ad en discurs da qualificaziun. Tar persungas svizras pò neir renunztgia da far en discurs.

<sup>2</sup> Siva controlla dalla qualificaziun fò la cumischung da natiralisaziun en rapport e sottametta alla suprastanza communal ena proposta.

<sup>3</sup> La suprastanza communal communitgescha la decisiun davart la natiralisaziun an scretg agls petents. Decisiuns negativas èn da mutivar. La procedura sa drezza agl dretg cantunal.

<sup>4</sup> La suprastanza communal rapporta ainfra otg onns siva dalla natiralisaziun agl cantun, schi tala è neida obtigneida antras indicaziuns falladas u antras zuppantar fatgs gravants.

### **III. Procedura**

Taxas

#### **Art. 7**

<sup>1</sup> Per decisiuns ainfra la procedura da natiralisaziun vignan incassadas taxas tgi covran igls costs. Chellas vignan regladas ainten l'aggiunta a chesta lescha.

<sup>2</sup> Per persungas svizras e per persungas estras vignan incassadas taxas differentas. Per natiralisaziuns privilegidas vignan fixadas taxas pi bassas, igl madem vala per unfants minorens e persungas an scolaziun, tgi vignan betg natiralisadas ansemen cun lour genitours. Per famiglias cun unfants vignan incassadas taxas redutgeidas.

<sup>3</sup> Per l'elaboraziun dallas dumondas da natiralisaziun pò neir pretendia en paiamaint anticipo an l'otezza dalla mesa pauschala.

### **IV. Meds legals e determinaziuns finalas**

Recurs

#### **Art. 8**

Decisiuns dalla suprastanza pon neir contestatas ainfer 30 deis siva la cunsigna cun recurs tar la dertgira administrativa digl cantun Grischun.

Vigour

**Art. 9**

<sup>1</sup> Chesta lescha aintra an vigour dalunga cun l'approvaziun antras la radunanza communal.

<sup>2</sup> Cun l'antrada an vigour da chesta lescha vignan dissolvadas tottas determinaziuns tgi stattan an cuntradicziun cun tala.

Approvo dalla radunanza communal digls 23 da matg 2016.

---

La revisiun parziala è neida approvada dalla radunanza communal digls 18 da mars 2019.  
La revisiun parziala aintra an vigour retroactivamaintg sen igl 1. da schaner 2019.

**Per la suprastanza communal Surses**

Igl mastral:

.....  
Leo Thomann



Igl scrivant da cumegn:

.....  
Beat Jenal

## Agiunta pertutgont las taxas da natiralisaziun

Taxas da natiralisaziun digl cumegn da Surses

### 1. Persungas estras

a. Persungas singulas carscheidas				fr.	1'000.00
b. Conjugals u partenadi registro sainza unfants	mintgamai			fr.	800.00
c. Famiglias cun unfants	mintgamai	fr. 600.00	max.	fr.	3'000.00
d. Minorens e persungas an scolaziun primara				fr.	500.00

### 2. Persungas svizras

a. Persungas singulas carscheidas				fr.	600.00
b. Conjugals u partenadi registro sainza unfants	mintgamai			fr.	400.00
c. Famiglias cun unfants	mintgamai	fr. 300.00	max.	fr.	1'500.00
d. Minorens e persungas an scolaziun primara				fr.	250.00
e. Natiralisaziuns privilegeidas	mintgamai	fr. 200.00	max.	fr.	1'000.00

### 3. Taxas sch'igl dretg da vischinadi communal na vign betg garantia u betg concedia

Schi la dumonda na vign betg terminada cun ena garanzeia u concessiun digl dretg da vischinadi communal, pon neir incassadas taxas pi bassas.

## Tabella dallas modificaziuns - tenor conclus

<b>Conclus</b>	<b>Antrada an vigour</b>	<b>Elemaint</b>	<b>Modificaziun</b>
23-05-2016	23-05-2016	relasch	amprema versiun
18-03-2019	01-01-2019	art. 2	integraziun
18-03-2019	01-01-2019	art. 3	midada
18-03-2019	01-01-2019	art. 5	integraziun
18-03-2019	01-01-2019	art. 6	midada
18-03-2019	01-01-2019	art. 7	midada
18-03-2019	01-01-2019	aggiunta	integraziun